

سہلکی در سعادت ایچون مجدیہ
یکرمی غروش حسابیلہ التمش
غروشدر

طشرہ ایچون پوستہ اجرتی اولہرق
اون بش غروش ضم اولنور

نسخہ سی ۴۰ پارہدر

تجدد

آبونہ اولقی ایستینلردائرہ عدلیہ
ادارہ مخصوصہ سنہ مراجعت
ایملیدر

اعلاناک بہرندن بر مجدیہ اخذ
ایملور

نسخہ سی ۴۰ پارہدر

ہفتہدہ ایکی دفعہ جمعہ ایرتسی وچہار شنبہ کونلری نشر اولنور. محتویاتی امور عدلیہ بہ متعلقدر

تجربیات

مجدداً تشکیل بیوریان ادرنہ ولایتی عدلیہ
مفتش معاونلکی سیواس ولایتی مرکز بدایت
محکمہ سی مدعی عمومی معاونی مکتب حقوق شاہانہ
مأذونلرندن رفعتلو سداد بکہ

مجدداً تشکیل بیوریان ادرنہ ولایتی استیناف
مدعی عمومی معاونلکی کوتاہیہ سنجانی بدایت
محکمہ سی مدعی عمومی معاونی مکتب مزبور مأذو -
نرندن خلیل افندی بہ

کوتاہیہ سنجانی بدایت محکمہ سی مدعی عمومی
معاونلکی طرابلس شام سنجانی تجارت محکمہ سی
رئیس سابق مکتب مزبورندن مأذون حسن تحسین افندی بہ
تفویض بیورلش ومومی الہم ذاتاً محلف بولمشدر .

تبلیغات

اعشاردن متولد مطلوبات ایچون موقع مزاییدہ
قونیلوب مشتریسی نامنہ احالہ قطعہ سی اجرا قلنان
غیر منقولاتک اولجہ انجمن عدلیہدن ویریلان قرار
وجہلہ اوصاف ممیزہ سنی ضبط وتحریر ایچون محلنہ
مأمور اعزامیلہ وضع ید معاملہ سی اجرا قلنامش
اولسندن ناشی املاک مذکورہ نک حدود حاضرہ سیلہ
مزاد قائمہ سی مندرجاتی یکدیگرہ توافق ایتمامکدہ
اولوب مشتری دخی بوسررشتہ ایلہ بدل مزاییدہ
تسویہدن امتناع ایلمکدہ اولدیغندن بحالہ استفسار
معاملہ بی متضمن اولہرق یالوہ قضاسی بدایت محکمہ سی
ریاستندن وارد اولان شقہ اوزرینہ انجمن مذکورندن
نتیجہ مذاکراتی مبین تنظیم واعطا قلنان مذکورہ
اجرا قلنان تبعات قیودیدہدن متحصل معلوماتہ کورہ
انجمنک موضوع بحث اولان قراری صورت مطلقہدہ
اولیوب اغشار درعہدہ ویا ملترمہ کفالت ایدنلرک
تأمینات اولقی اوزرہ ارانہ ایلدکری املاک التزام
سنداستندہ جنس ونوعی ومقدار ذراعی ایلہ حدود
ومشتعلاتی کویستریلہرک وضع ید معاملہ سندن مقصود
اولان معلومات لازمہ بی سندات مذکورہ جامع

اولدینی تقدیردہ بوقیل املاک مزاییدہ سنہ ابتدار
اولدیغنک متصرف ویا مستأجرلرینہ تبلیغیلہ اکتفا
اولتیق اقتضا ایدہجکی مرکزندہ بولندیغنی واستفسار
اولنان مسئلہدہ کی التزام سندنک وضع ید معاملہ سندن
استقنا حاصل ایتدیہرک معلوماتی غیر جامع ایدوکی
بالآخرہ حدودلرک یکدیگرہ عدم موافقتی دلالتیلہ
مثبت اولدینی حالہ محلنہ قرار مذکورک شو
خصوصہ دخی مدار تطبیق اتخاذ ایدلمسی شایان
استیضاح کورندیکندن اولامردہ بوراسنک اسباب
موجبہ سیلہ بیان واشعار ومزاد قائمہ سیلہ التزام
سندنک لاجل المطالعہ تساریلہ برابر حدود حاضرہ نک
بولرہ مغایرتی درجہ سنک موخاً ازباری ضمنتدہ
ریاست مذکورہ بہ تبلیغات اجرایی لزومی افادہ
واولوجہلہ عدلیہ نظارت جلیلہ سندن لازم کلنلرہ
تبلیغ مادہ قلنمشدر .

متوفی مناو محمد زوجہ سی کذب ان مضاییلہ عدلیہ
نظارت جلیلہ سنہ تقدیم اولنوب محللہ جریان ایدن
مخبرہ اوراقیلہ معاً انجمن عدلیہ بہ تودیع قلنان
عرضحال اوزرینہ مذکور عر ضحاک خلاصہ مالی
زوجی متوفانک دینندن طولای کندیوسنہ عائد اولان
برقطعہ بانچہ نک قرتال قضاسی بدایت محکمہ سی اجرا
دائرہ سنجہ موقع مزاییدہ وضع ایدلیدیکندن شکایتی
متضمن بولنش ومحکمہ مزبورہ ریاستنک شقہ
جوابیہ سندنہ دخی طاہو ادارہ سنجہ قیدی بوانہ میان
مذکور بانچہ نک تحریر جدیدہ متوفای مرقوم محمد
نامنہ معاملہ قیدیہ سی یوریدلش اولسنہ ابتداء
عند المزاییدہ طالبی اولان داین عہدہ سنہ حالہ قطعہ
سنک اجراسندہ تردد حاصل اولدیغندن بحالہ استفسار
کیفیت اولنش اولغلہ ایجابی انجمن مذکورجہلدی التذکر
دواثر اجرائیہ جہ موقع مزاییدہ قونیلہ حق املاک اول
امردہ قیود خاقانی بہ مراجعت صورتیلہ وسندات
رسمیہ سنک ابرازی حالندہ بولرک مطالعہ سیلہ
مدیونک عہدہ تصرفندہ اولدینی اکلاشلدقندن صکرہ
مزاییدہ سنہ ابتدار اولتیق معاملات اجراییہ نک

بالآخرہ عقیم قالماسنی تأمین ایدن تدابیر جملہ سندن
اولسیلہ لازم ولابد اولوب حق تصرف بخش ایدہ میان
ویرکو دائرہ سی قیوداتنک بویادہ مدار استناد
اولہ میہجنی درکار بولنش وشو حالہ نظراً ذکر اولنان
بانچہ نک تحریر جدیدہ دفترندہ کی قیدہ ابتداء متوفای
مزبور محمدک اموال متروکہ سندن عدلیہ مزاییدہ
وضعی یولسر ومخالف اصول کورنش اولدیغندن
ہنوز احالہ قطعہ سنک اجرا وسند رسمیسنک
اعطاسی ایلہ تکمیل ایتیان معاملات اجراییہ نک تعدیل
وتصحیحی وداینک شوجہت حقندہ برادعاسی اولدینی
صورندہ محکمہ بہ مراجعتی لزومک جواباً ریاست
مذکورہ بہ تبلیغی افادہ واولوجہلہ نظارت مشار الیہادن
تبلیغ مادہ ایدلشددر .

نوشہر قضاسی پوستہ وتلغراف مرکزی مدیر
اسبق متوفی ابراہیم افندیسنک ذمت محکومہ سندن
ناتحویل قالان طقسان کسوربیک غروشک استیفاسی
ضمنتدہ کفیل محکومی محمد اغانک مراجعت ایدیلان
اموال غیر منقولہ سندن برقسیمی واصل حائر قیمت
واعتبار اولانلری حین کفالتندہ ادارہ بہ قارشوتأمینات
اولقی اوزرہ ارانہ قلنمش اولدینی جہتلہ بوقسم املاک
مرہونہ نک دخی مقابلندہ موقع مزاییدہ وضعی
وایحجاب ایلدیکی حالہ تعیش وادارہ سی ایلہ اقامتی
ایچون دیگر املاکندن مناسبک مجلس ادارہ قراریلہ
بالتفریق کندیوسنہ ترکی یواندہ محلی اجرا دائرہ سنہ
تبلیغات ایفاسی افادہ سنہ دائرہ پوستہ وتلغراف نظارت
علیہ سندن وارد اولوب انجمن عدلیہ بہ حوالہ قلنان
۲۹ حزیران سنہ ۳۲۲ تاریخی تذکرہ اوزرینہ
بومسئلہ حقندہ اولجہ قونیہ ولایتی استیناف محکمہ سی
مدعی عمومی لکندن وقوعبولان استفسارہ بناء
کفیل مرقومک اقامتہ مخصوص خانہ ایلہ تعیش
وادارہ سنہ کافی غیر منقولاتک حجز وفروختندن
مصونیتی اجرا قانوننک الی اوچنجی مادہ سی احکامندن
اولسیلہ معاملات تنفیذیلہ نک بودائرہدہ جریان لازم
کلہجکی ۱۴ ایلول سنہ ۳۲۰ تاریخیہ تنظیم قلنان

مذکره بسط و بیان اولمش واحوال مماثلهدمدیونہ ترکی حکم قانون ایجابندن بولان املاک کرک تفریق وکرک اداره سنه کفایتی مسئلہ سنک تعیین و تقدیری مأمورین اجرائیہ نك وظائف مودوعسی جله سندن اولوب بوقیل خصوصاته مجالس اداره نك حق مدا- خله سی اولدینی کی حین کفالتده اموال غیر منقولہ نك تأمینات اوله رق اراضی کیفیتی دخی بولنرک اساساً دین مقابلده فروختی مجاز اولدینی صورتده حائر امتیاز اولان مطلوبات امیریه نك بالآخره ترجیحاً استفاسی ضمنده مزایده بی وضعی معاملہ سندن بشقه برحکمی افاده اخیه جکی جهته بویاده رهنیت مسئلہ سنک موضوع بحث اوله میه جنی درکار بولمش اولدیندن تذکرهٔ مجبوتہ وجهله محلته تبلیغات ایفاسنه مساغ قانونی اولدینک جواباً نظارت مشار الیه اشعاری افاده اولو جهله عدلیه نظارت جلیله سندن تبلیغ ماده قلمشدر .

محاکمات قضاوت

محکمهٔ تمیزاستدعا دائره سندن تنظیم واعطا قلمان اعلامدر :

مدللی سنجانی بدایت محکمه سی جزا دائره سندن استینافاً لاحق اولوب ۳ حزران سنه ۳۲۰ تاریخده تفهیم ایدیلن وظیفه قرارینی حاوی اعلامک تمیزی مستدی محکمه مذکوره مدعی عمومی معاونلکی طرفندن ویریلان ۸ حزران سنه ۳۲۰ تاریخلی استدعایامه واوراق متفرعسی باش مدعی عمومیک مأموریت بهیسنک ۴ مارت سنه ۳۲۱ تاریخلی تبلیغامه سیله محکمه تمیزاستدعا دائره سنه تودیع اولنگله لدی التدیق مذکور استدعایامه نك مدت قانونیه موافق اولدینی اکلشایدیندن اوراق مرقومه دائره جه قرائت و مطالعه اولدی .

اعلام مذکورک خلاصهٔ مالی چوبان یورکی ولد پنا یوط فوطه نك اوج رأس قیوتی صفت رسمیه بی طاقه رقی خود بخود فروخت ایلسندن طولانی مظنون علیه اولان بلدیہ رئیس آرستیدی قوسطومیر افندی حقدہ بدایهٔ اجرا قلمان محاکمه برائتده دائر ویریلان قرارک استیناف ایدلسی اوزرینه اولیاده جریان ایدن محاکمه استینافیه مرقوم یورکینک قیونلرینک فروختی بلدیہ اولان دینه مقابل اولسنه وافندی موسی الیهک معامله واقعه سی بلدیہ جه ویرلش اولان قرارک تنفیذی جهتی اولوب بوده بلدیہ نامه تحصیل مبالغدن عبارت اولدیندن موافق

سرقت ایلدیکی ادعا اولنسنندن دولای جنایتله اتهام اولان بولسک اوج سنه مدته کورکه قولسنه دائر چوروم سنجانی بدایت محکمه سی جزا دائره سندن اعطا قلمان ۲۵ نومرولی اعلام

طریقو ولد میقوی قتل و برادری بلاغوتی قتل قصدیه جرح ایلدیکی ادعا قلمسندن دولای جنایتله اتهام اولان بلاغونک ورفیقی قوسطینک اون سنه مدته کورکه قوللرینه دائر پرشته سنجانی بدایت محکمه سی جزا دائره سندن ویریلان ۲۶۱ نومرولی اعلام

واصو ولد استویجه نك کیفیت قتلندن دولای جنایتله اتهام اولان طناسیه ولد رادیونک اون بش سنه مدته کورکه قولسنه دائر پرشته سنجانی بدایت محکمه سی جزا دائره سندن ویریلان ۲۷۲ نومرولی اعلام

احمد چاوشی قتل ایلدیکی ادعا قلمسندن دولای جنایتله اتهام اولان یونس بن مصطفانک اون بش سنه مدته کورکه قولسنه دائر طرزون ولایتی استیناف محکمه سی جزا دائره سندن اعطا قلمان ۱۸ نیسان سنه ۳۲۲ تاریخلی اعلام

اوزون علی اوغلی کریمه سی پامبوغک کیفیت قتلندن دولای جنایتله اتهام اولان اوزون علی اوغلی مصطفانک اون بش سنه مدته کورکه قولسنه دائر طرزون ولایتی استیناف محکمه سی جزا دائره سندن اعطا قلمان ۱۱ نومرولی اعلام

محمد صالحی قتل ایلدیکی ادعا اولنسنندن دولای جنایتله اتهام اولان حسینک اون بش سنه مدته کورکه قولسنه دائر موصل ولایتی استیناف محکمه سی جزا دائره سندن ویریلان ۱۱۸ نومرولی اعلام محکمه تمیز جزا دائره سنجه تصدیق قلمشدر .

۵۶۵ نومرولی نسخه ده مندرج درسعادت جنایت محکمه سی اعلامنک بقیه سی :

برمنوال مسطور طرفینک ادعا ومدافعاتی استماع واوراق تحقیقه یکان یکان مطالعه وتدیق اولنهرق مندرجانی استطلاع اولندقدن صکره ایجاب کیفیت مذاکره اولندقدہ قوری بالقو حمانده اوناللی یا شنده یورکی نام چو جنی جرح ایتمک فعلیه اتهام ایدیلان اسماعیلک انکار تهمت ایسنه قارشو وقعه کونی صبا حلین مجروح یورکینک حمامه ورودنی معقب متهم اسماعیل دخی کلرک و دستکاه باشنه اطورهرق مرقوم یورکی چاغرمقله کلدیکندن اطالهٔ لسانه باشلامسی اوزرینه قره غولخانه یه واقع اولان اخبارلرینه

جهت جزائیہ حقدہ دخی مذاکرهٔ کیفیت اولندقدہ مجرم اسماعیلک فعل وحرکتی قانون جزانک یوز سکسانجی ماده سنه موافق ومادهٔ مذکوره [اگر جرح وضرب فعلی ذاتاً قتل قصدیه اولوبده جرح وضاربک ید اختیارنده اولیان اسباب مانعه حیلولیه مادهٔ قتل فعله چیقمامش ایدوکی تبین ایلر ایسه یاره و بره سی کرک اغیر اولسون وکرک خفیف اولسون مواد ثلثهٔ سابقده بیان اولدینی وجهله جرح وضربک درجه سنه کوره حکم اوله جق دبت یاخود مقدار معلوم مبلغ ایله مصارف جراحیه سی استیفا اولندقدن صکره جرح وضارب اولان کیسه هر حالده موقتاً کورکه قونیلور .] عباره سی ناطق اولدیندن مادهٔ مذکور حکمنه توفیقاً وابتدای توفیقی اولان ۳۲۴ سنه سی جادی الآخره سنک اوننجی کوندن اعتباراً اوج سنه مدته کورکه قولسنه و مصارف جراحیه اوله رق راپورده کوستریلان بشیوز غروشک مرقوم اسماعیلدن بالاستیفا مجروح یورکی به ویرلشنه و مصارف محاکمه اولان جمعاً یوز یتش غروشکده بشقه جه کندوسندن بالتحصیل عدلیه و زنه سنه تسلیم ایتدیرلشنه ۳۲۲ سنه سی کانون نایسنک اون سکزینجی کونی وجاهاً ومتفقاً قرار ویرلهرک اصول قهقهی ایفا قاندی .

خلاف تبیه اوزرنده صلاح طاشیدینی ثابت اولان قندقلیده ساکن احمد رؤف افیدیدن بش بشلک جزای نقدی اخذینه فاروقک خرستو وقایتیه بی ضرب ایله برابر اطالهٔ لسان ایتدیکنی ثابت اولسنه وتعد دفعله بناء برماه مدته حبسنه بک اوغلی بدایت محکمه سی جزا دائره سنجه قرار ویرلشدر .

الاعانات

نجات بربره فکرمنده : مفلس یازیجیان وقالبا حیان شرکته عابد درسعادتده یوسفیان خاننده واقع اوطه ده موجود بولنان مانیفاطوره اتمه سنک ۳۲۳ سنه سی نیسانک بدنجی جمعه ایتسی کونی ساعت اوج یققدہ بلزایده فروختی مقرر اولدیندن اشترا یه طالب اولانلرک محل مز بورده حاضر بولملری اعلان اولنور .

درسعادت اعلامات نظام اجرا دائره سنه : فاطمه شریفه خانمک حدیقه خاتم مورثی متوفی

قاممقام نظیف بک ذمتده محکوم به آله جفی اولان مبالغک تأمین تسویه سیچون متوفای موسی الیهک عهدهٔ تصرفنده بولنان اناطولی حصارنده کوصو جهتنده نشان طاشی نام موقعده تخمیناً ایکییوزاوتوز آرشون عرصه اوزرینه مبنی برنجی قاتی کارگیر وایکسجی قاتی اخشاب درت اوطه یی و برگیر صالونی و آبروجه قرق بش آرشون عرصه اوزرینه مبنی اخشاب مطبخ ومشمولات سائرتهی حاوی وتخمیناً التی دوم اراضی ودرونده برقیوتی محتوی مکرر یدی نومرولو کوشک تمامی اجرا قلمان مزایده نتیجه سنه لیرای عثمانی یوز غروش حسابیله سکر بیک غروشدہ طایب عهده سنه تقرر ایدرک موقتاً قرار داده سی کشیده قلمش اولدیندن یوزده بش ضم ایله طالب اولانلرک تاریخ اعلاندن اعتباراً اوتوز برکون ظرفنده درسعادت اعلامات نظامیه اجرا دائره سنه مراجعت ایللری اعلان اولنور .

قیوچی زارهی بابلیانک مغیر ولد خاچیک ذمتده محکوم به آله جفی اولان مبالغک تأمین تسویه سیچون مدیون مرقومک عهدهٔ تصرفنده اولوب حکماً محجوز بولنان صابیه ده کاتب مصاح الدین محله سنه ده واقع تخمیناً سکسان بش آرشون عرصه اوزرینه مبنی اوج قاتدن عبارت درت اوطه و برمطبخ و بر صهرنجی محتوی اون درت نومرولو خانه ده کی ثلث حصه سی اجرا قلمان مزایده نتیجه سنه لیرای عثمانی یوز غروش حسابیله ایک بیک بشیوز غروشدہ طایب عهده سنه تقرر ایدرک موقتاً قرار داده سی کشیده قلمش اولدیندن یوزده بش ضم ایله طالب اولانلرک تاریخ اعلاندن اعتباراً نهایت اوتوز برکون ظرفنده درسعادت اعلامات نظامیه اجرا دائره سنه مراجعت ایللری اعلان اولنور .

فاطمه رفیقہ خانمک جلال افندی ذمتده محکوم به آله جفی اولان مبالغدن طولانی حکماً محجوز بولنان آت بازارنده مغنیسالی محمد پاشا محله سنه جامعشریف زقاغنده کاش تخمیناً یوز یکرمی آرشون عرصه اوزرینه مبنی اوج قاتدن عبارت الی اوطه اوج صوفه و برمطبخ و بر قیو وتخمیناً یکرمی آرشون باغچه یی محتوی الی نومرولو براب خانه تمامنک تاریخ اعلاندن اعتباراً اون بش کون صکره بلزایده فروخته تثبت اولنهرجی وداینه مز بوره نك ینه موسی الیه جلال افندی ذمتده کی آله جفیدن طولانی حکماً

مجبور بولنان قولتق و صنداليه و ماصه دولاب يتاق و طباق و بوكا مائل اوتوز التي قلم خانه اشيا سنك تاريخ اعلانن اعتباراً اوچ كون صكره يعنى شهر حال وومينك طقوزنجى بازاريرتسى كوفى ساعت بش راده لرنده فاتح جوارنده مالطه چارشوسنده على الاصول بالمزايده فروخت اولنه جغندن طالب اولانلر بيان اولنان يوم و ساعتده مذكور چارشوده حاضر بولنلرى درسعات اعلامات نظاميه اجرا دائره سندن اعلان اولنور .

بك اوغلى بدایت محكمه سى اجرا دائره سنده :

ماريه قدينك بقال قسطنطى ولد صوا ذمتده آله جنى اولان مبالغ معلومه نك تأمين استيفاسى ضمتنده دايته مزبوره نك عهده سنده و فاء مفروغ اولوب اخيراً مديون مرقومك وقوع وفاتيله ورته سى كريمه لرى اقرو سيني و اولميا و اليساوى به ارثاً و عادياً انتقال ايدر ك فروختى بك اوغلى بدایت محكمه سى برنجى حقوق دائره سى اعلاميله محكوم بولنان باغچه قپوسنده شيخ محمد كيلانى محله سنك امين او كى جاده سنده كائن طولاً يدى آرشون يكرمى پارمق و عرضاً بش آرشون اون طقوز پارمق كه بحساب تربيعى قرق بش آرشون بش پارمق اوزرينه مبنى فوقنده ايكي اوطه و بر آبدستخانه يى مشتمل بر باب كار كير دكانده حرمين محترمين كدكانتندن يوز التمش سكر سهم اعتباريله اوتوز درت بچق سهم و نصفنك اوچ ربع سهم مناو كدكنك تاريخ اعلانن اعتباراً اون بش كون صكره بالمزايده فروخته تشبث اولنه جغندن طالب اولوب بوندن زياده معلومات آلق ايستينلر بك اوغلى بدایت محكمه سى اجرا دائره سنده مراجعت ايللرى اعلان اولنور .

بكر صدق افدينك امينه خانم ذمتده محكوم به بقيه مطلوبى اولان مبالغ معلومه نك تأمين استيفاسى ضمتنده مديونه مزبوره نك پدرى متوفى حاجى بيرام قيودان نامنه مقيد غلطده يلكنجيلر جاده سنده تمش التي نومرولى مع اوطه دكان ايله فاتحده خواجه خيرالدين محله سنده مالطه زقاغنده التي نومرولى يورغانجى دكانى و استيه ده دكرمان زقاغنده واقع اوتوز درت نومرولى مع باغچه خانه ده انتقالاً متصرف اولديغى ربع حصه لر ينك اولبايده اتخا اولنان قرار موجبجه اون بش كون صكره بالمزايده فروخته تشبث اولنه جغندن طالب اولوب بوندن زياده معلومات آلق ايستينلر بك اوغلى بدایت محكمه سى اجرا دائره سنده مراجعت ايللرى اعلان اولنور .

يره دوم پاپاسيان افدينك اسپاسيه بنت نيغولى ذمتده با اعلام محكوم به آله جنى اولان معلوم المقدار مبالغك تسويه سى ايچون مديونه نك عهده تصرفنده اولوب دايين مومى اليه نامنه فراغ بالوفا ايله مقيد بولنان بك اوغلى قمر خاتون محله سنك التي زقاغنده كائن وقف اولوب حدائقالى توسيع قلمش اولان اوچ نومرولى بر باب خانه نك تاريخ اعلانن اعتباراً اون بش كون صكره بالمزايده فروخته تشبث اولنه جغندن طالب اولوب بوندن زياده معلومات آلق ايستينلر بك اوغلى بدایت محكمه سى اجرا دائره سنده مراجعت ايللرى اعلان اولنور .

ازميد بدایت محكمه سى اجرا دائره سنده :

اذميدده صراف فداوجيان كرقور افدينك ازميده تابع دكرمان دره قريه سندن چلبى زاده حسين بك ذمتده برقطعه اعلام نظامى ايله آله جنى اولان مبالغ معلومه نك تأمين ايچون مديون مومى اليه دكرمان دره قريه سنك مجارلر موقعنده كائن حدود اربعه سى صاحب سند ذليخادن آتش اولديغى ترلا ايله نعلبند حاجى حسن اغا قوريسى، صاحب سندك بايراقدار اوغللرى ايله چلبى محمدن آلدېغى ترلالر ايله محدود چلبى محمد اولادلى عمر بك و همشيره سى ذليخا خانم ايله مشترك يوز اون بش دونمى حاوى برقطعه ترلا ده كى ربع حصه سى و ينه قريه مرقومه نك پايلى موقعنده كائن حدود اربعه سى حسين بك ترلا سى و مصطفى افندى والده سى ذليخا خانم ترلا سى و قباچى باغچه سى و حاجى عمر كتنخدا اولادلى ترلا سى ايله محدود مستقل عهده تصرفنده اولان اون التي دونم اوچ اولك برقطعه ترلانك دايين مرقوم طرفندن حجز آلتنه آلنه قرق فروختى قرارلشديرلش اولديغندن تاريخ اعلانن اعتباراً اون بش كون صكره بالمزايده فروخت اولنه جنى ازميد سنجاغى بدایت محكمه سى اجرا دائره سندن اعلان اولنور .

مكبر صغير قضاسى بدایت محكمه سى اجرا دائره سنده :

درسعادته مقيم سعادتلو طاشجيان سر كز افدينك مقرى قريه سنده ساكن مرحوم عاصم پاشا ورته سى ذمتده درسعات استيفاسى حقوق دائره سندن لاحق اولان ۳۱ تموز سنه ۱۳۲۲ تاريخ و طقسا طقوز نومرولى صلح اعلاميله مطلوباتى اولان بيك درتوز اللى ليراي عثمانيك تأمين اخذ و استيفاسى ضمتنده مومى اليه سر كز افندى عهده سنده مروهون بولنان درسعادته چنبرى طاشده عتيق على پاشا محله سنده سله حدار اغا زقاغنده معلوم الحدود درتبيك طقوز يوز كسبور

آرشون عرصه يى جامع كار كير اوله قرق حرم و سلاملق اوچر قاتندن عبارت اولوب ايكي قاتده التي اوطه ايكي صفه ايكي سالون و بر كيلار و بر صو خزينه سى و بر آخور ايله مقدار كافى باغچه يى مشتمل سلاملق ايله اون بر اوطه و بر صفه و ايكي سالون و كزتى محلى و بر مطبخ و بر كيلار و اوچ مغازه و چاشورلق و كمورلك و حمام و كذا مقدار كافى باغچه يى مشتمل حرم دائره سنى محتوى بر باب قوناغك تاريخ اعلانن اعتباراً اون بش كون صكره بالمزايده فروخت اولنه جنى چكمه صغير قضاسى بدایت محكمه سى اجرا دائره سندن اعلان اولنور .

مدلل بدایت محكمه سى اجرا دائره سنده :

مدليلده دعوى و كيلي استراتى طاسه افدينك ميخائيلو واسيليو افندى ذمتده با اعلام محكوم به آله جنى بولنان مبالغ معلومه نك تأمين تسويه سى ضمتنده مدللينك چشمه ميدانى زقاغنده التي وسكر و اون نومرولى اوچ باب مغازه ده كى ربع حصه سى اجرا قاتنان مزايده سنده التي وسكر نومرولى مغازله لر اون بر ريك و اون نومرولى مغازه اون ايكييك غروش كه جمعاً اوچ باب مغازه نك ربع حصه سى اوتوز درتبيك غروشده طالبى عهده سنده تقرر ايدر ك موقت قراردادده سى كشيده قلمغه تاريخ اعلانن اعتباراً اوتوز بر كون طرفنده يوزده بش ضم ايله طالب اولانلر مدلى بدایت محكمه سى اجرا دائره سنده مراجعت ايللرى اعلان اولنور .

آياصو ناهيه سى بدایت محكمه سى اجرا دائره سنده :

اياصولى پنايوط ولد قسطنطى ميخالانك اياصو بدایت محكمه سى حقوق دائره سندن استحصا ايلديكي اعلام موجبجه خريساتى بنت آرسى آر كىلا ذمتده آله جنى اولان مبالغ معلومه نك تأمين استيفاسى ايچون مديونه مرقومه نك عهده تصرفنده بولسان پولهنش ناحيه سنده مربوط و ورقوز قريه سى پيامرينك ايجيلا موقعنده واقع شرقاً ميخائيلو و چيقا شمالاً طريق جنوباً دره غرباً و ابقاء آرسى آر كىلا زوجيه سى قاليوب حاجى ديمترى املا كيله محدود و اون بر نومروده مقيد برقطعه زيتونلكى بوكره حجز آلتنه آلتديغندن تاريخ اعلانن اعتباراً اون بش كون صكره بالمزايده فروخته تشبث اولنه جنى اياصو ناحيه سى بدایت محكمه سى اجرا دائره سندن اعلان اولنور .